




22
23
24
25
26
27
28
29
30
31
32
33
34
35
36
37
38
39
40
41
42

440
865

1102







公文集頗有異同或傳抄之誤也碑不載年月據魯公
行狀稱大厯七年除湖州刺史當在其時

顏魯公告勅

魯公末年告身忠賢不得而見也莆陽蔡襄空戒以觀
至和二年十月

朱巨川告有二其一爲徐季海書此爲魯公書後有鄧
文原高贊成陸完三跋文待詔嘗刻入停雲館者是也

顏魯公家廟碑

右顏君家廟碑乃魯公爲其父立廟而建碑以紀之也

宋初太平興國七年有都察院孔目官李延襲於郊外得之移載府城重立今在西安府學者卽此碑也四面刻俗謂之四面碑按魯公書是碑在建中元年時公年七十二且係家廟之文故莊嚴端謹筆筆皆有法度與他碑不同如自書告身亦同是年書而氣韻迥別也

不空和尚碑

右大興善寺三藏和尚碑在西安府嚴郢撰徐浩書不空以一胡僧而官至特進大鴻臚開府儀同三司肅國公濫矣季海書法魯公而秀潤過之又在歐虞褚薛顏

柳諸公之外自成一家蘇文忠趙文敏皆用其法

吳岳祠堂碑

右吳岳祠堂記在陝西隴州西鎮吳山廟中殿中侍御史于公昇撰太子正字冷朝陽書紀興元二年十月十一日西平郡王李晟祀吳山之事公昇吳人建中末爲李晟招討府掌書記者新唐書俱有傳

諸葛武侯新廟碑

右諸葛武侯新廟碑在陝西漢中府沔縣沈迴撰元錫書是碑爲近人洗鑿如蒙燿曲磨諸字當從明搨本爲

是案武侯墓在定軍山下距縣南十里舊廟卽在墓前
今云新廟者在城南五里是貞元十一年所建也

慶公神祠碑

右河東鹽池靈慶公神祠碑在山西解州安邑縣崔敖
撰韋縱書按唐書大曆中淫雨壞河中鹽池味苦惡時
韓滉判支慮減常賦詭言池生瑞鹽五德之美祥代宗
疑之命蔣鎮馳驛按視鎮欲結滉故實其事表置祠廟
賜池號曰寶應池神曰靈慶公則崔敖此文非紀實也
韋縱書學顏魯公此尤酷模臧懷恪元次山諸碑當爲

貞元中書法第一

張公夫人樊氏墓誌

右張君夫人樊氏墓誌銘在河南洛陽沙門王威撰按
志序述樊氏卽前鴻臚少卿張敬誥之夫人惟所述與
前志互異詳玩兩志蓋張氏衰落長次兩子皆夭亡季
子叔齊尙幼不能詳具其事惟憑長女就所記憶而述
之且撰者又是沙門故牴牾舛錯一至于此無足稱論
也

諸葛武侯祠堂碑

右蜀丞相諸葛武侯祠堂碑在四川成都府城外丞相祠堂裴度撰柳公綽書案史武元衡以宰相出鎮四川時裴中立柳子寬皆爲幕僚同在帥府碑建于元和四年正與史合原刻久已不存此明成化間重撫本與文苑英華唐文粹所載頗有異同成都遭張獻忠之亂煨燼無餘是碑歸然獨存真有神物護持耶

天王燈幢贊

右燈幢贊在陝西咸寧縣柳徹撰書按盧宏正記云毗沙門天王者佛之臂指也左握吳鈞右持寶塔將以擢

羣護佛寺開元元和間凡梵宮佛刹俱崇奉之

涪溪詩

右皇甫侍御涪溪詩在湖南永州府祁陽縣題於顏魯公中興頌磨崖之後案新唐書湜字持正仕至工部郎中其官侍御史內供奉傳所不載持正在元和間最有文名石刻中有此一詩亦可寶也

邠國公功德銘

右梁守謙功德銘在陝西西安府學宏農楊承和撰并書案守謙于興唐寺寫經爲國祈福而護軍中尉楊承

和爲之銘書而刻石者也承和亦閩人乃能通文辭工
書法恐是當時文士爲之耳書宗歐陽率更而稍兼褚
法當爲唐碑中佳刻

西平王李晟碑

右西平郡王李晟神道碑在陝西高陵縣本祠裴度撰
柳公權書按史西平功蓋天下晉公撰文誠懸書碑俱
足炳耀千古惟文較本傳頗簡畧且多互异而誠懸書
亦頗异平時勁悍豈經後人洗鑿耶抑重模耶竊謂此
文若出昌黎手此刻若經邵建和建初手自當益助精

采矣

元秘塔碑

右元秘塔碑銘在西安府學裴休撰柳公權書按舊唐
書本傳休善爲文長於書翰家世奉佛尤深釋典柳公
此書所謂快劍長戟斬金截鐵者當爲一生傑作

李紳誥

恭讀太祖皇帝實錄載僞蜀李昊自言紳之後仕孟昶
至司空趙國公方昶與江南通好時遺其臣趙季札使
景季札回得李紳唐武宗朝自淮南節度使入相告以

遺吳昊欲誇詭其事結絲爲樓置告于中朝服前導盡
呼聲妓雜奏歌樂迎歸私第卽召將相大臣宴飲仍以
帛二千疋謝季札詳閱告文正昊所詭之告也然自武
宗逮今三百年苟人以忠諫功業聞于時有不必金石
而堅者可不免哉因節文以載其實

圭峰碑

右圭峰定慧禪師傳法碑在陝西鄠縣草堂寺裴休撰
書其題額則柳公權也歐陽集古錄謂此碑文辭事蹟
無足採者特書法爲世所重直接率更而道媚過之休

嘗手書藏經五百函序諸疏論觀此則裴相不特博綜
釋教其于書道亦深矣

霍夫人墓誌

右霍夫人墓誌銘在河南孟縣彭王府諮議叅軍周遇
撰碑中所志其夫彭城郡開國公劉而無名號爲銀青
光祿大夫行內侍省內侍知霍乃官官之妻而三子者
亦皆假子也文溢美過甚無實可紀存之以備見聞

程修己墓志銘

右程修己墓志亦關中近時新出土者修己名見唐志

開成中文宗命集院修撰程修己繪毛詩草木蟲魚圖二十卷又名賢畫錄云大和中文宗好古重道以晉明帝朝衛協畫毛詩圖不得其真名修己圖之皆據經定名任意采掇由是冠冕之製生植之姿遠無不詳幽無不顯據此則修己所圖者不止草木蟲魚也元夏士良圖繪寶鑑亦載其名云其先爲冀州人時周昉任越州長史修己師事之今志云修己嘗曰周昉傷其峻張太府傷其淡盡之其惟韓幹乎詳其文義似未必周之弟子也撰文者爲鄉貢進士溫憲憲卽溫大雅之五世孫

造之子文中稱修己性夷雅疏澹白皙美風姿詞人李商隱嘗從公游可想見其爲人矣

范隋告身

右一世祖所受懿宗告也先世文書自經喪亂十亡八九此書獨存于三百年干戈之後子孫保之當何如耶紹興三年八月朔裝禱于廣州官舍右朝奉郎權發遣廣東路轉運判官正國謹書

右范隋告身吳門范氏義庄有刻石其墨蹟尙在卽文正公高祖也

解進墓志

右故鴈門郡解府君墓志在山東孟縣學宮案縣志舊

在縣城西五里紫金山有席姓購得之是近時新移立
學宮者

處士包公夫人墓志

右處士包公夫人墓志近年杭州城外靈隱山中掘土
得之志稱包公而不載其名字亦作文者之疎畧也

黃石公祠記

右黃石公祠記在山東東阿縣穀城山下記爲趙郡李
卓撰此特其碑陰耳文書八分而末一行書人姓名則
作篆書唐碑中亦不多見也

石井闌記

右井記井面圓發盈又深湛莫知其底臨視鏡戰
唐賢趙公之銘書味已久今洗而扶之以旌其美
紹聖四年丁丑二月丙辰
朔朝奉郎知縣事逢完記

右石井記在山東費縣署二門壁間後有宋紹聖丁丑
知縣逢完小記此山左金石記所失載者嘉慶十三年
冬督糧道孫公星衍始訪得之按費縣志有季桓子井
此其是耶

賜盧正道勅

右中宗賜盧正道勅在河南字徑五寸許其碑陰刻盧

公清德文案盧公官有美政以循吏得名賜勅褒美而
新舊唐書俱無傳僅見宰相世系表今洛陽許家營尙
有盧府君神道碑所叙歷官始末甚詳

李公石浮圖銘

五代後梁高望書

右李文安石浮圖銘梁高望書碑云爲亡妻河東郡薛
氏造浮圖一所以資冥福唐人習俗如此

賜武肅王錢券


鮑崇城跋

右昭宗乾甯四年賜錢武肅王錢券在浙江台州府
臨海縣自宋元明以來世藏錢氏新舊五代史皆載

之按券之制其形如瓦文凡三百三十三字蓋鎔鑄
而成鏤金其上者也自乾甯至今一千二百餘年錢
氏子孫尙能世守亦賢矣哉乾隆二十七年

高宗純皇帝南巡其裔孫刑部尙書陳羣曾以進呈
乙覽

御製詩詞傳爲盛事棣溪叅軍爲武肅三十世孫故臨
此以殿諸碑之末云



梅谿居士姓錢氏蘇州金匱人也善分隸兼工六瀟嘉
慶初年遊京師一時文人碩士皆樂與之交書名遂滿
燕冀嘗爲皇十一子捉刀筆刻有攀雲閣問經堂二帖
皆先生手筆久行于世余於丁酉歲遇于吳興陳氏之
漁計亭行年已八十矣而精神鑠鑠目力猶如童穉曾
乞書楹帖一聯後以南北奔馳不知遺失何所至今恨
恨于懷此縮臨唐碑刻石爲翁覃溪學士阮芸臺相國
所鑿賞道光丙午秋九月余由塾屋來省于吳竹琴刺
史室中獲觀是刻假閱月餘愛不能釋因摘帖中所題

跋語手抄一卷計八十條以碑證史以史證碑攷訂詳明可與歐趙爭鼎足余應付諸棗梨俾得流傳海內實有功于後學不淺非徒區區玩好已也

咸豐九年歲次己未嘉平月當湖孫三錫識

古銅爵書屋金石文補遺目錄

周姜作爵

石鼓文

漢石扶風丞李禹題記 年月無考

後魏造像殘刻 無年月

隋岐州舍利塔銘 仁壽元年十月

唐九成宮醴泉銘

唐萬年宮銘 永徽五年五月並陰

唐馮十一娘墓誌 開元三年四月



唐夫子廟堂記 天寶十一載四月

夫子廟碑殘石 無年月

唐楊珣碑

唐吳嶽祠堂記 興元二年十月

唐周公靈泉碑 大中二年十一月

重修法門寺塔廟 天祐十九年二月

唐李彥鏞等題名 天祐二十年四月

大悲心真言

禮佛殘石


周康公鬲銘

千佛碑並涅槃經 無號年

唐許公蘇瓌碑

唐逸人竇居士碑 天寶六載二月

唐姜嫄公劉廟碑



古銅爵書屋金石文補遺

商邛宋世榮确山甫譔

當湖孫三錫桂珊甫校訂

周姜作爵

爵高今尺□寸□分雲雷紋中嵌黃目左耳古篆貳

二字銅暈爛斑真三代時物也近出于岐山縣周公廟

側土中世榮購得之因名讀書之室爲古銅爵書屋卽

以二字冠金石文焉

石鼓文

此周宣王時物前賢辨之詳矣今鳳翔府寶鷄縣東南十五里石鼓原相傳卽石鼓棄置處今在京師國子監牧童敲火耕牛礪角永無慮矣

漢右扶風丞李禹題記

年月無考

隸書前著爵里姓字曰右扶風丞犍爲武陽李君禹字季士政由其興下有懽喜行人蒙福之語意禹亦如鄒楊諸君修治川塗有功德于民者後則述其官闕據後漢書西域傳置宜禾都尉在明帝永平之十六年則此刻當在永平以後碑在褒城縣石門嘉慶甲戌王春林

森文

始搜得之前人皆未著錄

後魏造像殘刻

無年月

此碑在扶風縣北四十里永平寺向無人知之者丁卯冬

世榮

因公至其處見碑制奇古大半埋土中因令里

人掘出乃造像碑也前爲佛像僅存形似碑陰殘泐諦視皆魏姓人與富平造像碑同側字則模糊不可辨以款式按之當爲元魏時物故附于此

隋岐州舍利塔銘

仁壽元年十月

正書楷法清勁嘉慶五年始出土其文字年月與益都

縣青州舍利塔下銘悉合蓋隋文帝以仁壽元年六月十三日御仁壽宮于海內諸州選三十處各起舍利塔于是內出舍利三十盛以金瓶封以香泥三十州同以十月十五日正午入函此與青州各其一也銘稱岐州岐山縣鳳泉寺今爲龍泉寺在岐扶兩縣界關中金石記載大荔縣舍利塔銘額係仁壽元年十月立亦同時所頒也未附鳳泉殘石寺乃搨于寺內石砌不能卒讀無從考其年月姓名矣

唐九成宮醴泉銘

魏徵撰文歐陽詢正書額篆九成宮醴泉銘陽文六字碑無年月金石文字記云貞觀六年四月今從之宋趙子固謂率更化度醴泉爲楷書第一今化度石不可見醴泉銘椎搨千餘年兼以俗工鐫洗所存者形似而已世所傳全本半屬贗品此本專工所搨陰有宋元豐時張觀史玠鄭琳諸人題名又元祐五年游師雄題詩及閣上工記側有符篆好事者以硃拓之云可辟邪碑在麟遊縣卽隋之仁壽宮址也

唐萬年宮銘

永徽五年五月並陰

高宗御製書趙子函謂視李英公碑尤爲勁拔蓋高宗
習禊帖者久字字俱從右軍出也額篆萬年宮銘四字
當亦是御筆碑陰首行稱奉勅中書門下及見從文武
三品以上并學士並聽自書官名于碑陰故自長孫无
忌以下書字大小不倫然皆楚楚有法想見一時文物
之盛題名左領軍金仁下諦視甚似問字金石粹編以
爲薛仁貴且引仁貴傳山水粹至仁貴登門桃叫呼以
證之蓋述葺司冠所得本并金字亦模糊也考仁貴是
時官止右領軍郎將尙不得預題名之列碑在麟游縣

九成宮故址萬年宮卽九成宮之改名卽隋仁壽宮也
碑陰又有宋熙寧戊申下蔡王竦題名

唐馮十一娘墓誌

開元三年四月

正書無書人姓名字格娟秀文稱女十一娘字心河間
人也年十九適馮貞祐春秋二十終于洋州興道縣廨
舍葬于陳倉縣之新平原文卽其父孟友直作前題唐
將作監主簿孟友直女墓誌并序從其父稱之也蓋篆
唐故馮氏婦墓志之銘從其夫稱之也二稱似不相蒙
亦可以備誌墓之一格石在寶雞縣丞署

唐夫子廟堂記

天寶十一載四月

駕部郎中程浩撰文朝議郎判尚書武部員外郎瑯琊顏真卿正書朝散大夫檢校尚書都官郎中東海徐浩篆額夫子廟堂記五字文苑英華唐文粹均載此文均題作鳳翔府扶風縣文宣王新廟記知記本爲扶風縣廟後人重魯公書因刪去扶風古縣也以下一段所在墓刻上石山西口縣本亦其一也世罕丙子歲搜得一石于扶風關王廟顏垣下乃宋王宗元重刻本末稱文成後二百二十二年實炎宋慶歷戊子歲琅邪王宗元

自衛尉丞知縣事乃新廟刻文知扶風原石此時已亡矣碑署唐天寶十一載建文苑英華唐文粹皆題作大歷二年王宗元亦據英華上石蓋英華諸書據重刻本年月編入非撰文之年月關中金石記乃謂魯公書此記於湖州而并疑華州殘石並爲後人僞作亦非

夫子廟碑殘石

無年月

此華州本也僅存七十一字與山西本字畫行款悉同顏真卿徐浩亦俱在或指爲扶風原石謬矣末有少華王氏家藏八字當與山西本同時上石故附于此

唐楊珣碑

此楊國忠父墓碑也明皇御製文並八分書額篆宏農先賢積慶之碑八大字方可尺許皇太子亨奉勅題及御製書亨字則正書也文稱公諱珣字仲珣華陰人銘有感有一德思皇萬年時惟爾勞時惟爾弼之文所以獎許國忠者雖伊傅不遑可謂慎矣碑在扶風法門寺北五里許高二丈廣一丈方趺刻海馬形形製壯鉅其地俗猶呼爲高碑子也下半截已磨泐上半截完好陰有宋紹聖二年四月岐山劉唐口洛陽李行之行書題

名

唐吳嶽祠堂記

興元二年十月

冷朝陽行書文稱國之元輔鳳翔隴右四鎮北庭兼管內副元帥司徒兼中書令西平郡王李公晟有事于吳嶽之祠末署掌書記朝散大夫殿中侍御史內供奉于公異奉命爲記公異卽爲西平草露布者也時德宗歸自興元西平自京師引軍至鳳翔斬叛卒王斌及涇原太師田希鑒因至吳嶽祭告故有是記文稱相國涼公鎮鳳翔則李抱玉也碑在隴州吳山廟

唐周公靈泉碑

大中二年十一月

正書無額首行題鳳翔府岐山縣鳳栖鄉周公祠靈泉
□并題奏勅批荅首爲縣鎮狀次鳳翔節度觀察使崔
珙奏次中書門下奏并賜名潤泉勅次荅崔珙詔次崔
珙謝表蓋唐人奏牘之式如此文稱泉五處一時涌出
又有七處相傳歲豐人和則泉見今尙然也崔珙以大
中二年十一月廿日上奏以十二月八日奉勅賜名今
未行銜名是奏時所列刻石時始移于後原奏與荅詔
係二人書其書人姓名無考碑在岐山縣

重修法門寺塔廟記

天祐十九年二月

薛昌序撰王仁恭正書額篆大唐秦王再修真身塔廟
之碑十二字不著題額人姓名未有玉冊官孫福鐫字
題名秦王卽李茂貞也本姓宋名文通僖宗時賜姓李
氏文有天潢稟異之稱又云將中興于十九葉纂大業
于三百年夸誕可笑然以孱弱之故尙守唐號末記天
祐十九年而文自庚辰以前俱稱天復其時距唐亡已
十六年矣且是年卽梁亡之年次年卽同光元年也關
中金石記謂梁主改元開平後克用專稱天祐茂貞兼

用天祐天復此其證已碑在扶風縣法門寺陰有漢南
張問昌言禮法門真身塔詩及慶厯戊子琅琊王宗元
等題名又嘉祐六年四月十九日監岐陽倉三班奉職
兼巡防張擴題名皆可辨

唐李彥鐫等題名

天祐二十年四月

正書刻于秦王再修法門寺塔廟碑之陰彥鐫與劉源
二人銜名俱磨泐不可讀前有都維那大德及寺主內
講論大德其名惟琦字可辨關中金石記謂是爲後唐
同光元年是年四月己巳存勗改元此云四月二十九

癸酉是存勗己立五日矣

大悲心真言

行書無書人姓名首題千首千眼廣大圓滿無口大悲
心真言文已磨泐不完在扶風縣法門寺正殿佛座下
世學以戊寅搜得之雖無號年款識其爲唐無疑乃前
此竟無見之者何也

禮佛殘石

石凡三面橫鐫跪像大小二十一軀八軀向右跪十二
軀向左跪皆手執蓮花一枝一人上各鐫一姓名有尉

遲山保達奚姝三娘子孟大娘子李三娘弟子王口應
弟子尉遲三娘弟子尉遲二娘尉遲大娘等字餘剝蝕
不可辨得于扶風縣法門寺井上蓋寺僧以甃井矣考
法門寺爲唐人迎佛骨之所此當爲佛座遺石當時出
貨造像者卽刻其姓名並禮拜之形于座以志其功德
因取出之移置縣署之雙清軒庶片後之君子共守勿
失云

周康公鬲銘

古篆文凡十行共一百字銘詞簡澀字亦略可辨識歟

人程勉之敦拓出爲之釋文定爲此鼎銘以爲疑而不
可訓者三字已世聲按銘首有惟卅又一年三月初吉
壬辰王在周康宮廷太室鬲之文蓋周康宮鬲也程釋
文作于乾隆辛卯鬲今不知所在

千佛碑並涅槃經無號年

正書無書人姓名碑不甚高大質晶瑩如玉式頗奇古
在扶風縣北法門寺左廊正面刻佛像二十五行行四
十像合之恰得千數圭首中刻釋迦坐像左右二大士
侍以歲久面目模糊矣側書大涅槃經口分卷上經文

連入碑陰共一十七行間有磨泐然尙可辨讀左側刻衆佛名則爲游人手摸就平不可識矣此碑無款識年月以經中㊟囧等字意爲則天時物也

唐許公蘇瓌碑

此碑在武功扶風二縣界上字已漫漶世學親至碑下

摩挲審視可辨者無幾惟額篆唐故司空文貞公蘇府君之碑十二字尙完好而已金石錄以爲盧藏用撰書金石畧以爲盧藏用書金石文字記定爲盧藏用撰序並隸書張說撰銘今文中尙有范陽張說字也石墨鐫

華稱其書法猶有漢魏遺意此本得于拓工張英云是前明搨本較他本爲完善可珍也

唐逸人竇居士碑天寶六載二月

李邕撰文段清雲正書筆法絕似北海豈北海爲捉刀歟末署范岌題額并鐫今碑額不可見矣此本爲百年前所拓鈎磔尙完好居士三子皆宦官能使北海爲之諛墓唐時闍寺之聲勢如此且居士猶佞佛之號至直題爲逸人唐諱民字逸人卽逸民也亦汰矣哉未有元至正六年涇陽縣尹姚遠禮題名碑在三原縣

唐姜嫄公劉廟碑

高郢撰文張詎行書張綰篆額姜嫄公劉之廟六字首
行缺上半截但有新廟碑三字耳文亦殘泐據金石文
字記知爲貞元九年四月立也廟舊制卑隘邠甯節度
使張獻甫作新廟於南郭關中金石記以爲卽獻甫代
游瓌領節度時趙子函頗斥郢文爲冗弱謂詎書不及
王縉而畧似柳公權何軒王輕柳若此首行末有崇禎
六年七夕川西范文光仲淹題字書法與碑幾混碑今
在邠州

古銅爵書屋金石遺文後序

商邨宋礪山大令世舉豫中好古士也嘗宰扶風廣蒐
古刻唐法門寺碑及李彥鐫題名涅盤經刻石皆其所
搜得者著有古銅爵書屋金石遺文一卷世無傳本扶
風劉鳳梧廣文得有副本予於道光二十一年作尉盩
厓得識劉君於徐南州刻史坐中卽以此卷見示因錄
其副遂曰梅溪居士縮臨唐碑題跋可付棗梨以公同

好

咸豐十年歲在庚申閏三月中浣桂



